

UGOVOR O NABAVCI STOMATOLOŠKOG POTROŠNOG MATERIJALA – LOT 8

zaključen dana 26.03 2019. godine u Sarajevu između ugovornih strana:

1. **Stomatološki fakultet sa klinikama Sarajevo**, Bolnička br. 4a, koju zastupa Dekan Prof.dr.sci. Muhamed Ajanović, (u daljem tekstu Kupac)

Identifikacioni broj: 4200542470007
Poreski broj: 01073987
Transakcijski rn: 3380002210019263
Budžetska organizacija: 2104024

2. **“Sanitaria Dental d.o.o.” iz Mostara**, Ulica Blajburških žrtava, br. 23 kojeg zastupa (ime i prezime) Ivan Galić, (u daljem tekstu Prodavac)

Identifikacioni broj: 4200899030005
Poreski broj: 200899030005
Transakcijski rn: 3386902212050389

I PREDMET UGOVORA

Član 1.

Predmet ovog ugovora je kupovina Stomatološkog potrošnog materijala za koju je proveden otvoreni postupak nabavke i ponuda prodavca za LOT 8 broj: 02-2-1-145-26/18 od 07.01.2019. godine koja je Odlukom Ugovornog organa broj: 02-2-1-145-51/18 od 12.02.2019. godine ocijenjena kao najpovoljnija i ista je sastavni dio ovog ugovora.

II UGOVORENA CIJENA

Član 2.

Ugovorena cijena koju će Kupac isplatiti Prodavcu za **Stomatološki potrošni materijal** po ponudi iz člana 1. ovog ugovora ukupno iznosi:

- Cijena bez PDV-a: 141.103,80 KM;
- Porez na dodanu vrijednost (PDV 17%): 23.987,65 KM;
- UKUPNA VRIJEDNOST/CIJENA sa PDV-om: 165.091,45 KM
(slovima: stotinu hiljada šezdesetpetidevedeset i 45/100 KM).

Cijene su fiksne i ne mogu se mijenjati ni pod kojim uslovima.

III TRAJANJE UGOVORA

Član 3.

Ovaj ugovor se zaključuje na određeno vrijeme u trajanju od jedne (1) godine, računajući od dana potpisivanja od strane prodavca i kupca.

IV NAČIN PLAĆANJA

Član 4.

Kupac će nakon isporuke **Stomatološkog potrošnog materijala, izvršiti uplatu ugovorene cijene** to u roku od 30 dana od dana izdavanja računa na transakcijski račun broj: 3386902212050389 otvoren kod UniCredit banke.

V NAČIN PREUZIMANJA

Član 5.

Prodavac se obavezuje da sukcesivno tokom trajanja ugovora isporuči stomatološki potrošni materijal koji je predmet ovog ugovora pod uslovima iz tenderske dokumentacije i prihvaćene ponude, a o čemu će se sačiniti zapisnik o primopredaji.

Zapisnik o primopredaji stomatološkog potrošnog materijala sačinjava Komisija za primopredaju koja je sastavljena od predstavnika obje ugovorne strane.

Isporučeni stomatološki material za koji je predviđen rok trajanja mora imati rok trajanja od najmanje 12 mjeseci od datuma isporuke.

Član 6.

Ukoliko se zapisnički utvrdi da stomatološki potrošni materijal koje je Prodavac isporučio ima greške ili nije ugovorenog kvaliteta, Prodavac je dužan sve uočene propuste otkloniti u roku od 7 dana od dana sačinjavanja zapisnika, a ukoliko to ne učini u navedenom roku, stomatološki potrošni materijal koji je predmet reklamacije zamjenjuje se novim.

VI ROK ISPORUKE

Član 7.

Prodavac će stomatološki potrošni materijal isporučiti najkasnije u roku od 30 dana od momenta narudžbe.

VII GARANCIJE

Član 8.

Prodavac garantuje da će isporučene stomatološki potrošni materijal biti bez oštećenja i nedostataka i funkcionalno ispravan.

Prodavac se obavezuje da prije početka realizacije ugovora (najkasnije 7 dana od dana potpisa Ugovora) obezbijedi bezuslovnu bankarsku garanciju za dobro izvršenje posla-ugovora u iznosu od 10% vrijednosti ugovora **sa rokom važnosti garancije od 1 godine**, koja će poslužiti za pokrivanje štete i troškova koje ugovorni organ može imati ukoliko izabrani ponuđač prekrši ugovor o nabavci od potpisivanja ugovora do njegove krajnje realizacije.

VIII RASKID UGOVORA I NAKNADA ŠTETE

Član 9.

Ugovorne strane mogu sporazumno raskinuti zaključeni Ugovor, sporazumom o raskidu Ugovora, kojim ugovorene strane utvrđuju međusobna prava, obaveze i odgovornosti.

U slučaju da jedna od ugovornih strana ne izvršava svoje obaveze u cjelosti ili ih izvršava djelimično, i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostrani raskid ugovora i naplatu nastale štete.

Prodavcu će se zaračunati ugovorna kazna u iznosu od 1% za svaki dan zakašnjenja od roka završetka ugovorenih obaveza, a obračunava se na ukupnu vrijednost ugovorenih obaveza, a najviše 10% od vrijednosti ukupnih ugovorenih obaveza.

U svrhu pokrivanja štete i troškova koje Kupac može imati ukoliko Prodavac prekrši ugovor o nabavci od potpisivanja ugovora do njegove krajnje realizacije, Kupac može koristiti od strane Prodavca dostavljenu bezuslovnu bankarsku garanciju za dobro izvršenje ugovora u iznosu od 10% vrijednosti ugovora.

Ovaj Ugovor se može raskinuti i bez naknade štete drugim stranama, ukoliko do raskida dođe zbog okolnosti koje su izvan volje ugovorenih strana.

IX RJEŠAVANJE SPOROVA

Član 10.

Ugovorne strane su saglasne da će eventualne sporove rješavati međusobnim dogovaranjem, a u slučaju da ugovorene strane ne postignu dogovor o spornim pitanjima za rješenje spora nadležan je sud u Sarajevu.

X OSTALE ODREDBE

Član 11.

Ugovorni organ nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 mjeseci po zaključenju ugovora, odnosno od početka realizacije ugovora.

Član 12.

Ovaj ugovor stupa na snagu danom potpisivanja od strane ovlaštenih predstavnika ugovornih strana.


Član 13.

Ovaj Ugovor se zaključuje na određeno vrijeme u trajanju od 1 (jedne) godine od dana zaključivanja.

Član 14.


Ovaj ugovor je sačinjen u 4 (četiri) istovjetna primjerka od kojih svaka od ugovornih strana zadržava po 2 (dva) primjerka.

PRODAVAC
SANITARIA DENTAL D.O.O. MOSTAR


Ivan Galić

Broj: 72/2019-1
Datum: 26.03.2019



KUPAC
STOMATOLOŠKI FAKULTET
SA KLINIKAMA U SARAJEVU

Dekan, Prof.dr.sc.Muhamed Ajanović

Broj: 02-2-1-145-58/18
Datum: 19.03.2019.

